



Pou Piblikasyon Imedya: 27/10/2022

GOUVÈNÈ KATHY HOCHUL

**MICRON AK GOUVÈNÈ HOCHUL AKEYI PREZIDAN BIDEN NAN NEW YORK
SANTRAL, SA K AP MAKE YON ETAP ENPÒTAN POU ANGAJMAN KOMINOTE
LOKAL LA AK MENDÈV LA**

Kad Envestisman Kominotè defini patenarya Micron ak Empire State Development, ki benefisyé lidèchip Faktori New York Santral ak Etazini an

Envestisman rive posib gras ak lejislasyon istorik Green CHIPS Eta a ak Lwa Federal sou CHIPS ak Syans lan

Syracuse, New York, 27 oktòb 2022 — Micron Technology, Inc. (NASDAQ: MU), youn nan pi gwo konpayi semi-kondiktè nan mond lan ak sèl manifakti memwa ki baze nan Etazini, ak Gouvènè Kathy Hochul akeyi Prezidan Joe Biden ak lòt ofisyèl federal, eta ak lokal nan [New York Santral](#) kote Micron gen plan pou envesti jiska [100 milya dola pandan plis pase 20 ane k ap vini yo pou konstwi yon megafabrikasyon memwa dènye kri](#). Ak sinyati Kad Envestisman Kominotè (Community Investment Framework) a, Micron pral make premye angajman kominotè ak mendèv li a ki te etabli ak Empire State Development (ESD) lan. Kad sa a anglobe Fon Envestisman Kominotè Green CHIPS (Green CHIPS Community Investment Fund) ki estime a 500 milyon dola ki konsantre sou sipòte devlopman mendèv, edikasyon, byen ak òganizasyon kominotè yo, ak lojman abòdab, ansanm ak lòt inisyativ ki asire mendèv New York Santral la pral gen konpetans avanse ki nesesè pou soutni fabrikasyon semi-kondiktè modèn.

Micron pral envesti 250 milyon dola nan Fon an epi New York pral envesti yon lòt 100 milyon dola, ak 150 milyon dola nan men patnè lokal, lòt patnè eta ak nasional yo. Konpayi an pral etabli tou yon Komite Konsilitatif Kominotè ki gen 11 manm kominote divès, anplis reprezantan ki soti nan gouvènman lokal ak eta a ansanm ak Micron. Komite a pral idantifye priyorite ak domèn potansyèl pou envestisman ki soti nan Fon an. Atravè apwòch sa a, Micron ak ESD vize pi byen konprann epi adrese bezwen kominote New York Santral la epi fè envestisman vize atravè reyon an. Gouvènè Hochul, PDG Empire State Development Hope Knight ak PDG Micron Sanjay Mehrotra pral siyen Kad Envestisman Kominotè a, ansanm ak patnè lokal yo, ankòde espri kolaborasyon ak ESD pou envesti nan reyon an. Plan Micron pou konstwi yon megafabrikasyon nan New York, ki pral kreye prèske 50,000 djòb New York ki gen ladan apeprè 9,000 djòb Micron ki byen peye, se rezulta

travay bilateral Kongrè a ak Administrasyon Biden lan pou adopte Lwa CHIPS ak Lasyans lan.

"Nou onore pou nou akeyi Prezidan Biden ak anpil lidè enpòtan jodi a nan New York Santral, ki se fiti sit novo megafabrikasyon Micron ki pral alimante inovasyon Etazini an pou ane k ap vini yo", **deklarasyon Sanjay Mehrotra, Prezidan ak Direktè Jeneral Micron**. "Pou sekirize lidèchip Etazini nan fabrikasyon semi-kondiktè yo, kiltive inovasyon Ameriken epi asire sekirite ekonomik ak nasyonal, li enperatif nou reyini pou konstwi ak transfòme yon mendèv pou lavni. Angajman nou yo atravè Kad Envestisman Kominotè a reprezante premye etap fondamantal nan direksyon transfòmasyon New York Santral la."

"Envestisman istorik 100 milya dola Micron garanti yon avni ekonomik briyan pou jenerasyon Nouyòkè yo nan Konte Onondaga ak atravè eta a, epi pwojè transfòmasyon sa a simante lidèchip fabrikasyon New York", **Gouvènè Hochul te deklare**. "Anplis prèske 50,000 djòb, angajman pwofon pou dirabilite, ak opòtinite pou biznis ke minorite ak fanm yo posede ak kominote defavorize yo, fon kominotè 500 milyon dola pou pwojè sa a pral soutni rejyon an alontèm avèk envestisman nan mendèv, lojman, ak enfastrikti. Mwen kontan dèské Prezidan Biden te kapab rejwenn nou pou anons sa a ki rive yon fwa nan yon jenerasyon, epi mwen espere travay sere ak patnè lokal, eta ak federal nou yo, ansam ak kominote biznis ak travayè yo, pou pote youn nan pi gwo pwojè devlòpman ekonomik nan istwa Etazini pou pèmèt li reyalize."

Bati Mendèv alavni an

Tou de chemen devlopman mendèv tradisyonèl ak non tradisyonèl yo enpòtan pou fòme mendèv la nan echèl ki nesesè pou endistri semi-kondiktè Etazini an. Mendèv alavni an pral egzije enjenyè ak teknisyen ki gen talan epi gen plizyè konpetans pou jere ak opere enstalasyon chanm pwòp modèn yo epi devlope solisyon jeni avanse. Micron angaje nan solisyon efikas ak kreyatif ki elaji mendèv la epi fè karyè sa yo aksesib pou tout moun, sitou pou moun ki nan kominote riral ki pa reprezante ase yo.

An akò ak estrateji Micron pou kreye patenarya ak enstitisyon edikasyon siperyè nan rejyon an, Micron ak Konte Onondaga pral investi 10 milyon dola ansanm, ak Micron k ap investi 5 milyon dola sou 10 ane, pou konstwi ak ekipe yon chanm pwòp nan Onondaga Community College epi sipòte devlopman kourikoulòm teknik lekòl la. Envestisman sa a pral bay etidyan yo aksè ak metòd fabrikasyon avanse ak ekipman pou prepare yo pou wòl teknisyen ak jeni andedan etablisman fabrikasyon Micron an.

Micron pral chèche eksplwate tou popilasyon militè siyifikatif New York Santral la, yon filyè mendèv ki gen anpil konpetans ak talan ki enpòtan pou evolye fabrikasyon teknoloji avanse Etazini an. An kowòdinasyon ak patenarya ak Micron, Insti pou Veteran ak Fanmi Militè D'Aniello yo (Institute for Veterans and Military Families, IVMF) nan Syracuse University pral sipòte devlopman konpetans veteran pou travay manifakti avanse ak tranzisyon nan Micron ak lòt wòl endistri

yo. Micron pral etabli tou yon pwogram estaj ki fèt pou prepare etidyan yo pou pòs aplentan kòm enjenyè, syantis ak lòt wòl enpòtan nan endistri semi-kondiktè a, ak rekritman ki konsantre anpil sou veteran ak etidyan ki soti nan kominote ki pa reprezante ase yo tradisyonèlman. Micron anvi anboche plis pase 1,500 veteran nan rejon an pandan de deseni nan New York Santral, an akò ak objektif Micron pou anbochaj veteran.

Anplis de sa, Micron te antre nan yon Akò Travay Pwojè ak sendika lokal yo, ki tabli yon kad pou koperasyon ant sendika ak jesyon ak stabilite pandan tou konstriksyon nouvo megafabrikasyon an. Akò sa a esplike utilizasyon Sant pou Rekritman Militè, Eevalyasyon ak Anplwa Veteran yo ak pwogram "Kas pou Kask Sekirite" a. Li egzije tou pou kontraktè yo bay yon santim pa èdtan pou chak èdtan atizanal yo travay nan pwojè a nan pwogram Chemen Aprantisaj (Pathways for Apprenticeship) la, ki fè pati Syracuse Build, pou ankouraje reprezantasyon minorite ak fanm yo nan mendèv pwojè a.

Nan kad angajman Micron pou ogmante divèsite founisè yo, Micron pral travay pou asire ke yo bay 30 % depans konstriksyon elijib pwojè a ak 20 % nan depans eksplwatasyon anyèl kontinyèl ki elijib, kompayi ki posede pa endividé ki nan kominote ki tradisyonèlman pa reprezante ase, ak priyortite y ap bay yo bay Biznis ak Antrepriz ke Minorite/Fanm yo Posede (Minority/Women Owned Business Enterprises, MWBE) ak Biznis ki Gen kòm Pwopriyetè Veteran ki Andikape nan kad Sèvis (Service-Disabled Veteran-Owned Businesses) Ke Eta New York Sètifye. Micron pral ankouraje kontraktè konstriksyon ak soutretan yo sèvi ak Syracuse Build kòm yon modèl premye sous pou idantifye kandida pou anbochaj nan popilasyon defavorize yo.

Envesti nan Edikasyon STEM Pou Tout Moun

Edikasyon STEM nan K-12 jiska lekòl apre segondè ak pwogram fòmasyon esansyèl pou kreye yon filyè talan kalifye. Micron pral envesti nan pwogram edikasyon lokal yo epi pèmèt jèn ki pa gen anpil resous pou yo pousswiv karyè nan STEM pou sipòte konstwi yon endistri teknoloji ki pi divèsifye ak enklizif an jeneral.

Nan kad angaj Micron an, kompayi an pral envesti 10 milyon dola sou 10 ane nan lekòl Syracuse STEAM — ki se premye lekòl kolaboratif nan zòn nan ki fèt pou entegre domèn syans, teknoloji, jeni, atizay ak matematik — ansanm ak lòt pwogram K-12 nan rejon an pou rive jwenn elèv ki istorikman majinalize yo epi redwi baryè fas ak fiti karyè STEM yo. Etablisman reyjonal la pral ofri opòtinite san parèy nan nouvo teknoloji ak atizay pou elèv ki gen divèsifye sou plan sosyo-ekonomik, rasyal ak jewografik. Envestisman sa a pral sèvi kòm yon katalizè pou pwochen devlopman prive ak kolaborasyon nan rejon an.

Lòt angaj kominotè Micron gen ladan yon patenarya avèk Syracuse University pou sipòte nouvo pwofesè divès ke rechèch ak ansèyman yo pral fòme mendèv alavni an atravè Pwogram Bous pou Fiti Pwofesè (Future Professors Fellowship Program) Invèsite a. Micron pral kontinye sipòte edikasyon an enjenyeri tou

ak inivèsite rejyonal tankou Clarkson, Rensselaer Polytechnic Institute, Cornell ak lòt ankò. Rezo solid inivèsite nòdès yo pral amelyore patenarya konpayi an ki egziste deja ak Rochester Institute of Technology epi ogmante reprezentasyon gwoup etidyan yo atravè filyè jeni ak lasyans yo.

Angaje Ak Kominote Lokal yo

Micron bay priyорite ak envesti nan ak anrichi kominote kote manm ekip li yo ap viv ak travay. Pou sipòte pwogram gadri ak pwogram preparasyon pou timoun piti, Micron pral fè yon premye envestisman 500,000 dola nan YMCA nan New York Santral. Envestisman sa a vize elaji aksè ak bon jan kalite gadri ak aprantisaj bonè pou kominote ki pa gen ase sèvis yo nan rejyon an. Micron ap kontinye fè patenarya ak YMCA ak lòt òganizasyon pou idantifye envestisman alavni ki otorize timoun yo ak fanmi yo konstwi yon kominote ekitab ak enklizif *pou tout moun*.

Micron pral lanse yon parenaj 500,000 dola pou Mize Syans ak Teknoloji (Museum of Science & Technology, MOST). Lajan Micron pral sipòte yon ekspozisyon MOST alontèm k ap bay etidyan yo ak fanmi yo eksperyans pratik pou aprann sou semi-kondiktè yo ak aplikasyon komen yo. Anplis de sa, Micron pral mete adispozisyon etidyan yo kan syantifik MOSTgratis pandan mitan sezon ivè a ak vakans prentan epi òganize yon seri lesón STEM, ansanm ak defi konsepsyon, ki ankorage aprantisaj kontiyèl.

Konsantrasyon Micron an pwolonje pi fon nan enfrastrikti ak sèvis kominotè yo, ki gen ladan plan pou envesti 10 milyon dola nan finansman antrepriz an patenarya ak ekosistèm teknoloji rejyonal la pou sipòte ak atire nouvo biznis nan New York Santral.

Rekonèt ke angajman kontinyèl ak pwodiktif ak kominote a enpòtan anpil pou siksè tou de sosyete a ak konpayi inovan tankou Micron, konpayi an planifye pou òganize meri kominotè chak trimès pou bay opòtinite pou manm kominote Clay, Syracuse, ak Konte Onondaga pou pataje fidbak dirèk sou fason Micron ka sipòte bezwen pa yo.

Angaman Micron Adisyonèl yo

Andeyò Kad Envestisman Kominotè a, Micron pral kontinye evalye fason pou sipòte rejyon New York Santral la pou kiltive pwochen jenerasyon talan, akselere opòtinite ekonomik pou kominote ki pa jwenn ase sèvis yo, sipòte enfrastrikti rejyon an epi konstwi yon rezèv mendèv divèrsifye.

An akò ak angaj pwolonje sa a, Micron pral etabli Konsòsyòm Inovasyon Mendèv ki Pare pou Lavni (Future-Ready Workforce Innovation Consortium) nan Syracuse University a nan Kolèj Etid Pwofesyonèl (College of Professional Studies) la. An patenarya ak kominote biznis New York Santral la, sendika yo, kolèj kominotè ak lòt enstitisyon katran nan Eta New York yo ak odela, Micron pral kolabore ak Syracuse University pou aplike yon apwòch miltidimansyonèl ak enklizif nan devlopman mendèv, amelyore konpetans ak retansyon pwofesyonèl. Konsòsyòm Inovasyon Mendèv ki Pare pou Lavni an pral ankorage yon ekosistèm pou fòmasyon pou konpetans, pwogram akademik ak patenarya ki fèt pou sipòte mendèv Micron ak estrateji devlopman talan.

Micron pral kontinye evalye opòtinite pou pwofite enstitisyon finansye kominotè ak minorite yo pandan konpayi an ap grandi nan reyon an. Sa gen ladann fè 10 milyon dola nan depo ak Enstitisyon Depo Minoritè (Minority Depository Institutions, MDI) ki sèvi New York Santral.

Pou konprann ak abòde defi ki asosye ak aksè ak lojman abòdab, Gouvènè Hochul te anonse ke eta New York pral dirige yon inisyativ an patenarya ak Micron ak gouvènman lokal yo pou idantifye plis politik ki sipòte pi bon enfastrikti, opòtinite lojman, enklizyon sosyal ak finansye, ak obstak espesifik ak inik ke reyon Syracuse la pral rankontre. Konklizyon yo pral bay yon fondasyon tou pou alafwa opòtinite akoutèm ak estrateji alontèm ke Micron ka pwofite kòm yon patnè kominotè angaje.

Micron pral konsantre plis sou bati yon pon ant elèv ki pa jwenn ase sèvis yo ak karyè STEM yo nan New York Santral atravè premye pwogram edikasyon STEM konpayi an, ki gratis, [Chip Camp](#), pou elèv lekòl primè ak segondè yo. Pwogram nan pral rive apeprè nan 70 a 100 elèv pa semenn, sa k ap bay yo opòtinite pou aprann ki jan semi-kondiktè yo fèt ak ki jan konpetans STEM tradui an karyè Micron.

Deklarasyon Lidè Federal, Eta ak Lokal yo

Anba a se kòmantè divès lidè fè sou envestisman istorik Micron ak efò kominotè konpayi a:

Senatè Charles Schumer te deklare, "Nou kontan akeyi Prezidan Biden lakay nan Syracuse! Envestisman 100 milya dola san parèy Micron se yon opòtinite inik pou New York Santral ki pral transfòme reyon an fondamantalman, sa k ap kreye plizyè dizèn milye djòb manifakti ak djòb konstriksyon sendika ki byen peye, ranfòse sekirite nasyonal nou, epi bay yon nouvo lavi nan eritaj Amerik la kòm yon lidè nan inovasyon. Gras ak CHIPS ak Pwojè Lwa Syans nou an, ak pwojè vizyonè tankou pa Micron an, travay manifakti ap retounen nan Etazini epi nan kote tankou Reyon Nò New York la. Sa a se moman Kanal Erie nou an epi li pral ajoute nan koridò semi-kondiktè Reyon Nò Eta New York la soti nan Hudson Valley ak Reyon Kapital rive nan Mohawk Valley ak Rochester pou asire avni an bati nan Reyon Nò Eta New York. Pwojè sa a pral yon plan nasyonal pou sa ke envesti nan travayè yo, kominote a, ak dirabilite anviwònman sanble - epi se gras ak lidèchip Prezidan Biden ke nou kounye a ap konstwi avni Etazini isit la nan Reyon Nò Eta New York la."

Senatè Kirsten Gillibrand te deklare, "Pandan kèk ane ki sot pase yo, konsomatè yo ak konpayi Ameriken yo te santi enpak ekonomik paralizan nan depandans eksesif sou konpayi etranje yo pou semi-kondiktè ak ripty nan chèn apwovizyonman Ameriken yo. Se poutèt sa mwen te goumen anpil pou m pase Lwa 2022 sou CHIPS ak Syans lan, ki bay plizyè milya dola resous pou konstwi endistri pis nasyonal nou an atravè nasyon an epi ede solidifye desizyon Micron pran pou mennen kampis yo nan Reyon Nò Eta New York. Envestisman fòmidab sa a pral gen yon repèkisyon pozitif atravè New York Santral, k ap kreye jiska 50,000 djòb ki byen peye nan eta nou an. Mèsi, Prezidan Biden paske w te vizite Syracuse pou selebre envestisman sa yo epi paske w te yon

patnè nan efò n ap fè pou ranfòse sekirite nasyonal la, kreye djòb ki byen peye, epi prepare wout la pou lidèchip Etazini nan teknoloji semi-kondiktè a. Mwen pa ka tann pou mwen travay ak Micron ak New York Santral pou asire kominote nou an gen zouti ak fòmasyon pou fè travay enpòtan sa a."

Manm Kongrè John Katko te deklare, "Mwen fyè pou m akeyi Micron Technology nan New York Santral. Envestisman 100 milya dola Micron an pral kreye travay ki byen peye, relanse ekonomi rejyonal nou an epi transfòme New York Santral an yon sant pou fabrikasyon semi-kondiktè. Sa a se yon eleman ki chanje jwèt la pou rejyon nou an, epi mwen fyè dèske m te travay nan yon fason bilateral pou fè rèv envestisman sa a vin yon reyalite."

Robert M. Simpson, ki se Prezidan CenterState CEO te deklare, "Kominote New York Santral la kontinye selebre anons Micron ke li pral envesti jiska 100 milya dola epi kreye 9,000 djòb direk pandan de deseni k ap vini yo. Sepandan, se angajman Micron ap pran atravè Kad Envestisman Kominotè a ki fè akò istorik sa a ki transfòmativ pou tout moun nan New York Santral, ak nouvo estanda pou devlopman ekonomik nan tout peyi a. Envestisman Micron an asire ke tout kominote sa a pral gen chans benefisyé kounye a ak nan deseni k ap vini yo. Angajman Micron pou travay ak patnè lokal yo san parèy e li pral ogmante pwogram preparasyon pou travay, prepare pi piti manm kominote nou yo pou karyè alavni, elaji pwogram antreprenarya ak inovasyon, epi konekte founisè MWBE yo ak pwojè sa a. Pandan n ap travay nan direksyon misyon òganizasyon nou an pou kreye yon kominote kote biznis yo ap pwospere ak tout moun pwospere, nou rekonesan eksepsyonèlman pou nou genyen Micron kòm yon patnè ki pataje vizyon nou an."

Doktè Warren Hilton, Prezidan Onondaga Community College, te deklare, "Nou onè pou nou akeyi Prezidan Biden, PDG Micron Sanjay Mehrotra ak ekip li a, ak lidè eli yo ki soti nan tout rejyon nou an, eta New York, ak nasyon an nan kanpis Onondaga Community College pou evènman istorik jodi a. Nou fyè dèske nou se youn nan patnè edikasyon Micron yo nan envestisman 100 milya dola epi nou pa ka tann pou nou travay sere ak yo pandan n ap transfòme tout rejyon nou an. Preparasyon pou pwosesis edikasyon an pral gen ladan konstriksyon yon "chanm pwòp" pou teknoloji avanse nan kanpis nou an kote elèv yo ka aprann ak prepare pou karyè ki rekonpanse nan endistri semi-kondiktè a. Nou remèsyé Gouvènè Kathy Hochul, Rektè SUNY an Deborah Stanley, ak Egzekitif Konte Onondaga Ryan McMahon pou sipò yo pandan n ap kontinye transfòme kanpis nou an pou satisfè bezwen patnè mendèv nou yo. Onondaga Community College te kontribiye yon fason konsiderab depi nou te ouvri pòt nou bay etidyan yo 60 ane de sa nan yon faktori machinn pou ekri ki te abandone nan anba lavil Syracuse. Nou kontan pou nou fè pati pwojè sa a, ki pral transfòme rejyon nou an pou 60 ane k ap vini yo ak odela."

Kent Syverud, Rekè Syracuse University a, te deklare, "An patenarya ak Micron, ekip nou an ap twouse manch chemiz nou epi kòmanse travay. Deja, nou gen plizyè inisyativ ki sou pye. Sa yo enkli kreyasyon Konsòsyòn Inovasyon Mendèv ki Pare pou Lavni nan Syracuse University a, efò pou ogmante anbochaj veteran Micron yo ak plis

envestisman nan Pwogram Bous pou Fiti Pwofesè yo. Endividyleman, sa yo se gwo opòtinite pou inivèsite nou an ak kominate nou an. Ansanm, yo reprezante fason transfòmatif ak inovatif pou re-imajine ak refòme fason nou prepare pwochen jenerasyon lidè yo, inovatè ak entèriptè yo."

Sipè-entandan Distrik Eskolè Santral Liverpool Ian, Daniel G. Henner, te deklare, "Ogmantasyon Micron nan kominate New York Santral la pral bay Distri Eskolè Santral Liverpool la, ansanm ak distri yo atravè rejyon an, anpil opòtinite edikatif pou elèv ki nan klas K-12 yo. Pwogram tankou Chip Camp, Girls Going Tech ak Careers in a High-Tech World pral amelyore chemen karyè Liverpool ki fèk prezante a ki pral prepare etidyan nou yo pou karyè alavni yo. Nou pa ka tann pou nou travay ansanm avèk Micron pou ane k ap vini yo."

Greg Lancette, Prezidan Asosyasyon Metye Tiyo Eta New York la, te deklare, "Nan non Konsèy Metye Batiman & Konstriksyon Rejyon Santral ak Rejyon Nò New York la, mwen kontan akeyi Micron nan New York. Pwogram devlopman mendèv Micron yo pral pwofite konpetans ak nati travay di Nouyòkè yo, espesyalman moun ki soti nan kominate defavorize yo ki petèt pa kapab wè chemen karyè tradisyonèl nan avni pa yo. Akò Pwojè Travay ant Micron ak sendika lokal nou yo pral sipòte reprezantasyon minorite, veteran ak fanm yo nan mendèv pwojè a pandan y ap asire stabilite ak koperasyon avèk travayè talan sendika nan rejyon nou an pandan tout pwojè a. Soti nan devlope pwogram aprantisaj rive nan seleksyone kontraktè yon entansyonèlman, Micron ap demontre angajman li anvè kominate nou an ak potansyèl enkwayab mendèv nou an."

Pou plis enfòmasyon, al gade nan fich enfòmasyon sou Envestisman nan Kominote ak nan Mendèv New York la nan Micron.com/NY.

Konsènan Micron Technology, Inc.

Nou se yon lidè endistri nan solisyon memwa ak estokaj inovan ki transfòme fason mond lan itilize enfòmasyon pou anrichi lavi *pou tout moun*. Avèk yon konsantrasyon san pran souf sou kliyan nou yo, lidèchip teknoloji, ak fabrikasyon ak ekselans operasyon, Micron delivre yon pòtfèy ki rich pwodui memwa ak estokaj DRAM, NAND ak NOR ki bay pèfòmans elve atravè mak Micron® ak Crucial® nou yo. Chak jou, inovasyon moun nou yo kreye yo alimante ekonomi done a, sa ki pèmèt pwogrè nan entèlijans atifisyèl ak aplikasyon 5G ki debouche opòtinite — soti nan sant done a rive nan periferi entèlijan ak atravè eksperyans kliyan an ak itilizatè mobil. Pou aprann plis sou Micron Technology, Inc. (Nasdaq: MU), vizite micron.com.

###